

fiskveiðilandhelgi Íslands, til þess að öðlast þegar gildi og birtist til eftirbreytni öllum þeim, sem hlut eiga að máli. Jafnframt er felld úr gildi reglugerð nr. 166 3. apríl 1978, um lágmarksmöskvastærð loðnunóta.

*Sjávarútvegsráðuneytið, 19. júní 1981.*

F. h. r.  
Jón L. Arnalds.

*Jón B. Jónasson.*

## G J A L D S K R Á

fyrir Vatnsveitu Vestmannaeyja.

### Fastagjald.

#### 1. gr.

Fyrir hverja húseign í lögsagnarumdæmi Vestmannaeyja skal árlega greiða vatnsskatt.

Þó skal gjald þetta ekki innheimt fyrr en viðkomandi hús getur fengið vatn úr dreifikerfi vatnsveitunnar.

#### 2. gr.

Vatnsskattur skv. 1. gr. skal vera 0,3% af heildarfasteignamati eignarinnar, þ. e. a. s. af mati mannvirkja ásamt mati lóðar.

Vatnsskattur skv. 1. mgr. skal hlíta eftirfarandi ákvæðum um minnsta- og mesta gjald á rúmmeter í byggingum á viðkomandi lóð:

Íbúðarhúsnæði	.....	Minnst kr. 0,90 en mest 1,80 kr./m <sup>3</sup>
Vörugeymslur	.....	Minnst kr. 0,90 en mest 1,80 kr./m <sup>3</sup>
Aðrar byggingar	.....	Minnst kr. 0,90 en mest 1,80 kr./m <sup>3</sup>

Vatnsskattur samkvæmt framanskraðum reglum skal aldrei vera lægri en kr. 149,00 af skattskyldri fasteign.

Hafi fasteignamat ekki farið fram á húsi, sem hægt er að tengja dreifikerfi vatnsveitunnar, áætla vatnsveitan gjaldið.

### Notkunargjald.

#### 3. gr.

Vatnsveitan leggur til vatnsmæla í hvert hús (hverja íbúð) og skal notandi greiða kr. 2,10 fyrir hvern teningsmetra vatns.

Notkunargjald þetta innheimtir Rafveita Vestmannaeyja á tveggja mánaða fresti, og annast mælaaflestur.

### Vatn til skipa og báta.

#### 4. gr.

Greiðsla fyrir vatn, sem afgreitt er til skipa og báta í Vestmannaeyjahöfn, skal vera kr. 420,00 fyrir hvern teningsmetra, og auk þess kr. 42,00 í afgreiðslugjald, ef vatnið er afgreitt frá kl. 08.00—17.00 á virkum dögum en kr. 84,00 ef afgreiðsla fer fram á öðrum tímum.

Vatn til skipa skal staðgreitt, nema um annað hafi verið samið fyrirfram. Skip, sem fengið hefur vatn afhent, má ekki, að viðlögðum sektum, fara úr höfn fyrir en vatnið er greitt eða um greiðslu verið samið.

#### 5. gr.

Vatnsveitunni er heimilt að ákveða fast árlegt vatnsgjald fyrir skip og báta, sem heimahöfn eiga í Vestmannaeyjum eða eru að staðaldri gerð þáðan út. Fellur þá niður vatnsgjald skv. 4. gr.

#### 6. gr.

Fyrir önnur vatnsnot en þau, sem að framan eru talin, eða þegar mælingu verður ekki við komið, skal greiða gjald eftir ákvörðun vatnsveitunnar hverju sinni.

#### Stofngjöld.

#### 7. gr.

Vatnsveitan sér um lagningu heimæða í hús og setur þar upp vatnsmæla á sinn kostnað.

#### 8. gr.

Í stofngjald skal greiða 1% af fasteignamatsverði húss. Hafi endanlegt fasteignamat ekki farið fram, ákveður vatnsveitan gjaldið hverju sinni.

#### 9. gr.

Ef um sérstaklega langar og kostnaðarsamar heimtaugar er að ræða, skal húseigandi greiða það, sem talist getur umfram eðlilegan kostnað.

#### 10. gr.

Stofngjald skv. ákvæðum þessarar gjaldskrár skal greitt í einu lagi, áður en tenging við dreifikerfi vatnsveitunnar er framkvæmd.

#### 11. gr.

Stofngjöld skulu greiddast á skrifstofu bæjarsjóðs. Hins vegar mun Rafveita Vestmannaeyja annast innheimtu fastagjaldsins ásamt notkunargjöldum.

#### 12. gr.

Ef loka þarf fyrir vatnsinntak svo sem vegna þess, að notkunar- eða fastagjald hefur ekki verið greitt innan 10 daga frá útsendingu reiknings Rafveitunnar eða stofngjald innan tilskilins frests skv. kröfubréfi bæjarsjóðs eða af öðrum þeim ástæðum, sem greindar eru í 10. gr. reglugerðar fyrir Vatnsveitu Vestmannaeyja, skal húseigandi greiða kr. 420,00 opnunargjald áður en enduopnun fer fram.

#### 13. gr.

Bæjarstjórn getur hækkað eða lækkað framantalin gjöld, öll þeirra eða hvert um sig um allt að 50%, án þess að leita þurfi staðfestingar ráðuneytis.

#### Fiskiðnaður.

#### 14. gr.

Bæjarstjórn getur ákveðið sérstaka gjaldskrá fyrir fiskiðnaðinn og aðra vatnsfreka starfsemi.

## 15. gr.

Þegar rætt er um fasteignamatsverð í gjaldskrá þessari, er átt við fasteignamat það, er öðlaðist gildi um áramótin 1979—1980 og fylgir síðan breytingum á fasteignamatinu.

Gjaldskrá þessi, sem bæjarstjórn Vestmannaeyja hefur samið og samþykkt, staðfestist hér með skv. vatnalögum nr. 15, 29. júní 1923 til þess að öðlast gildi þegar í stað. Jafnframt fellur úr gildi gjaldskrá fyrir Vatnsveitu Vestmannaeyja frá 9. febrúar 1981.

*Félagsmálaráðuneytið, 16. júní 1981.*

F. h. r.

Hallgrímur Dalberg.

*Hólmfríður Snæbjörnsdóttir.*

10. apríl 1981.

Nr. 305.

Staðfesting forsetans á skipulagsskrá fyrir styrktarsjóð Magnúsar Guðbrandssonar, útgefin á venjulegan hátt að mandatum af dómsmálaráðherra 10. apríl 1981.

Skipulagsskráin er þannig:

## SKIPULAGSSKRÁ

fyrir Styrktarsjóð Magnúsar Guðbrandssonar.

## 1. gr.

Sjóðurinn heitir Styrktarsjóður Magnúsar Guðbrandssonar.

## 2. gr.

Stofnfé sjóðsins er kr. 240 000.00 (g.kr.), sem Magnús Guðbrandsson, fulltrúi afhenti Knattspyrnuráði Reykjavíkur á 60 ára afmælishátíð ráðsins 29. maí 1979, til minningar um þá menn, sem sátu í fyrsta Knattspyrnuráði Reykjavíkur ásamt Magnúsi, þá Egil Jacobsen frá Í. S. Í., Pétur Sigurðsson frá Fram, Erlend Ó. Pétursson frá K. R. og Axel Andrésson frá Víkingi, en Magnús sat í ráðinu frá Val. Magnús óskaði þess, að fénu yrði varið til unglinga- og kennslumála á vegum ráðsins, eins og segir í gjafabréfinu.

## 3. gr.

Sjóðurinn er stofnaður til þess að verða við þessari ósk Magnúsar Guðbrandssonar og til minningar um fyrsta Knattspyrnuráð Reykjavíkur.

## 4. gr.

Höfuðstól sjóðsins má aldrei skerða.

Tekjur sjóðsins eru:

- a) vextir
- b) gjafir og áheit, sem sjóðnum kunna að berast
- c) tekjur, sem stjórn sjóðsins kann að afla honum.